

Na osnovu članova 35. i 69. Statuta Općine Stari Grad Sarajevo – Prečišćeni tekst ("Službene novine Kantona Sarajevo", broj: 20/13), te u skladu sa Odlukom o kriterijima i postupku dodjele sredstava iz Budžeta Općine Stari Grad Sarajevo za projekte i rad neprofitnih udruženja i fondacija („Službene novine Kantona Sarajevo“, broj: 10/24), Općinski načelnik Općine Stari Grad Sarajevo raspisuje:

**Javni poziv
neprofitnim udruženjima i fondacijama za prijavu projekata koji će biti
finansirani/sufinansirani iz Budžeta Općine Stari Grad Sarajevo u toku 2024. godine**

Općina Stari Grad Sarajevo poziva neprofitna udruženja i fondacija iz Bosne i Hercegovine da dostave prijedloge projekata koji su u skladu sa razvojnim ciljevima Općine Stari Grad Sarajevo, iz sljedećih oblasti:

1. **PRIVREDA;**
2. **ZAŠTITA OKOLIŠA;**
3. **OBRAZOVANJE I NAUKA;**
4. **KULTURA I SPORT;**
5. **BORAČKA ZAŠTITA;**
6. **SOCIJALNA POLITIKA, RASELJENA LICA I IZBJEGLICE;**
7. **LOKALNI RAZVOJ I PODUZETNIŠTVO;**
8. **ZAŠTITA I JAČANJE PRAVA ŽENA, TE PROMOCIJA POVEĆANJA NATALITETA;**
9. **ZAŠTITA I JAČANJE PRAVA OSOBA SA INVALIDITETOM;**
10. **RAD VJERSKIH ZAJEDNICA;**
11. **SOCIJALNI RAZVOJ DJECE I MLADIH;**
12. **ZAŠTITA I SPAŠAVANJE.**

Iznos budžetskih sredstava koja se mogu dodijeliti po projektu cijeniti Komisija, shodno opravdanosti projektnog prijedloga.

Općina Stari Grad Sarajevo zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadane kriterije.

Dužina trajanja svakog projekta može biti od 30 dana do osam (8) mjeseci.

Izabrani projekti se trebaju implementirati isključivo na području Općine Stari Grad Sarajevo. Neće se finansirati aktivnosti odobrenog projekta koje su provedene prije zaključivanja Ugovora.

PRAVO UČEŠĆA:

Učešće u ovom Javnom pozivu je otvoreno, na jednakim osnovama, za sva formalno registrovana udruženja ili fondacije), u skladu s važećim zakonskim propisima u Bosni i Hercegovini, uz obavezno ispunjavanje sljedećih općih kriterija:

- da je projekat usmjeren na aktivnosti i djelatnosti na području Općine;
- da se projektima doprinosi realizaciji ciljeva i prioriteta, koje je Općina odredila kroz relevantne strateške dokumente;
- opravdana finansijska sredstava koja su dodijeljena za projekte neprofitne organizacije za prethodne godine iz Budžeta Općine Stari Grad Sarajevo, ukoliko su ista bila dodijeljena.

Posebni kriteriji koje će Komisija cijeniti su:

- ekonomska ili društvena opravdanost projekta, čije finansiranje se predlaže, za Općinu i stanovništvo Općine;
- broj korisnika obuhvaćenih projektom;
- rezultati koji se projektom mogu postići na lokalnom, kantonalnom, federalnom, državnom ili međunarodnom nivou;
- efekti projekta, koji su evidentni i mjerljivi na populaciji koju zastupa.

Aplikant može predati više od jedne aplikacije i jedne projektne ideje, ali u tom slučaju se trebaju predati odvojene aplikacione forme i dokumentacija uz svaku od njih.

Aplikant u okviru jedne oblasti Javnog poziva, može konkurisati samo sa jednim projektom.

Ukoliko aplikant u okviru jedne oblasti Javnog poziva prijavi više projekata, svi prijavljeni projekti će biti odbačeni.

PREUZIMANJE DOKUMENTACIJE:

Potrebna dokumentacija za prijavu na Javni poziv može se preuzeti od 5. aprila, 2024. godine, putem zvanične web stranice Općine Stari Grad Sarajevo www.starigrad.ba (sekcija Javni oglasi). Pitanja u vezi s javnim pozivom se mogu postaviti putem e-mail adrese sanin.hadzibajric@starigrad.ba ; merima.herenda@starigrad.ba i aldin.sarac@starigrad.ba s naznakom za Javni poziv finansiranje projekata iz Budžeta Općine Stari Grad Sarajevo ili putem telefona +387 33 282 364 ili 033 282-447

Prijedlog projekta treba sadržavati sljedeće:

- Projektni prijedlog (Obrazac 1);
- Pregled budžeta (Obrazac 2).

Dodatna dokumentacija je obavezan dio projektne dokumentacije i treba biti kompletirana kako bi prijedlog projekta mogao biti evaluiran. Dodatna dokumentacija treba da sadrži sljedeće:

- kopiju važećeg Rješenja o registraciji organizacije,
- kopiju Uvjerenja o poreznoj registraciji – ID broj,
- kopiju statuta organizacije i narativnog (opisnog) izvještaja za prethodnu godinu,
- kopiju završnog godišnjeg finansijskog izvještaja za 2023. godinu (dokument bilans stanja i bilans uspjeha),
- dokaz o urednom pravdanju sredstava dodijeljenih u prethodnim godinama iz Budžeta Općine, ukoliko su sredstva bila dodijeljena (narativni i finansijski izvještaj sa priloženim dokazima).

U slučaju da projekat bude odobren originali dokumenta mogu biti traženi na uvid od strane Komisije. **Ukoliko se dostavljaju fotokopije, moraju biti ovjerene.**

PREDAJA APLIKACIJA: Ispunjena aplikacija (s kompletnom zahtijevanom dokumentacijom) se treba dostaviti **u dva (2) primjerka (original i vjerodostojna kopija originala)** u zatvorenoj koverti preporučenom poštom ili lično tokom radnih dana (ponedjeljak – petak), u periodu od 8 do 18 sati, na sljedeću adresu, sa naznakom za „**Javni poziv neprofitnim udruženjima i fondacijama za prijavu projekata koji će biti finansirani/sufinansirani iz Budžeta Općine Stari Grad Sarajevo u toku 2024. godine**“:

**Općina Stari Grad Sarajevo
(Šalter sala/protokol)
Zelenih beretki 4
71000 Sarajevo**

Rok za predaju aplikacija je 30. novembar, 2024. godine, odnosno do utroška sredstava predviđenih u Budžetu Općine Stari Grad Sarajevo za ovu namjenu.

Projektne prijedlozi s nepotpunom dokumentacijom i dostavljeni izvan predviđenog roka neće biti razmatrani niti finansirani.

Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Vanjska strana koverta treba sadržavati naziv poziva za predaju prijedloga projekata, puno ime i adresu aplikanta, puni naziv projekta i navod “**Ne otvarati prije zvaničnog otvaranja**”.

Broj: 09-45-3210/24

Datum: 5. april, 2024. godine

OPĆINSKI NAČELNIK

Irfan Čengić s.r.